

ხელშეკრულება N15
სახელმწიფო შესყიდვების შესახებ

ქ. თბილისი

17 იანვარი 2020 წელი

ერთი მხრივ, სსიპ - შეფასებისა და გამოცდების ეროვნული ცენტრი (შემდგომში - „შემსყიდველი“) წარმოდგენილი მისი დირექტორის სოფიო გორგოძის სახით და მეორე მხრივ, შპს „მწვანე რეცხვა 3“ (შემდგომში - „მიმწოდებელი“) წარმოდგენილი მისი დირექტორის გიორგი ფანჯიკიძის სახით, „სახელმწიფო შესყიდვების შესახებ“ საქართველოს კანონის და პრეტენდენტის სატენდერო წინადადების საფუძველზე, **NAT190024964** ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. ხელშეკრულების ღირებულება – საერთო თანხა, რომელიც უნდა გადაიხადოს შემსყიდველმა შემსრულებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი/შემსრულებელი“ – პირი, რომელიც ახორციელებს მოწოდებას ხელშეკრულების ფარგლებში.
- 1.6. „შესყიდვის ობიექტი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ - **NAT190024964** ელექტრონული ტენდერის სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.
- 1.8. „ტექნიკური დოკუმენტაცია“ - შემსრულებლის მიერ **NAT190024964** ელექტრონული ტენდერის სატენდერო წინადადებით წარმოდგენილი ტექნიკური დოკუმენტაცია, რომელიც დაერთვება ხელშეკრულებას, როგორც მისი განუყოფელი ნაწილი

მუხლი 2. ხელშეკრულების საგანი

- 2.1. წინამდებარე ხელშეკრულების საგანს წარმოადგენს მანქანების რეცხვა და მსგავსი მომსახურებების შესყიდვა (CPV 50112300) (შემდგომში „მომსახურება“) ელექტრონული ტენდერის ტექნიკური დავალებისა და პრეტენდენტის მიერ წარმოდგენილი ტექნიკური დოკუმენტაციის შესაბამისად.

მუხლი 3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს **4956 (ოთხიათასცხრასორმოცდათექვსმეტი)** ლარს.
- 3.2. ერთეული მომსახურების ფასი მითითებულია ფასების ცხრილში, დანართ #1-ში.
- 3.3. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ ყველა ხარჯს და საქართველოს კანონმდებლობით გათვალისწინებულ გადასახადებს.

მუხლი 4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში.
- 4.2. შემსყიდველი ხელშეკრულებით განსაზღვრული თანხის გადახდას განახორციელებს 2020 წლის სახელმწიფო ბიუჯეტით გათვალისწინებული სახსრებიდან (კოდი **32 04 01 01** სსიპ - შეფასებისა და გამოცდების ეროვნული ცენტრის აპარატისათვის გათვალისწინებული ასიგნებებიდან).
- 4.3. მიმწოდებელთან ანგარიშსწორება განხორციელდება ეტაპობრივად (ყოველთვიურად), საანგარიშო თვის განმავლობაში ფაქტიურად გაწეული მომსახურების მიხედვით, შესაბამისი მიღება-ჩაბარების აქტის და საანგარიშსწორებო დოკუმენტაციის საფუძველზე, მათი წარმოდგენიდან 10 სამუშაო დღის განმავლობაში.
- 4.4. წინასწარი ანგარიშსწორება არ გამოიყენება.

მუხლი 5. მომსახურების მიღება-ჩაბარების წესი

- 5.1. შესყიდვის ობიექტი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის დადართვის შემთხვევაში.

მუხლი 6. შესყიდვის ობიექტის მიწოდების ვადები და ადგილი

- 6.1. მიმწოდებელმა უნდა უზრუნველყოს 11 ცალი პლასტიკური ბარათის დამზადება და შემსყიდველისათვის უსასყიდლოდ მიწოდება, შემსყიდველის მოთხოვნიდან არაუმეტეს 3 (სამი) სამუშაო დღის განმავლობაში.
- 6.2. მომსახურება უნდა განხორციელდეს მიმწოდებელის ექსპლუატაციაში არსებულ ავტოსამრეცხაოებში.

მუხლი 7. მხარეთა უფლება-მოვალეობები

- 7.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.
- 7.2. შემსყიდველი ვალდებულია:
- ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება.
- 7.3. შემსყიდველს უფლება აქვს:
- განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
 - შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.
 - შემსყიდველის წარმომადგენელი უფლებამოსილია დაესწროს მიმწოდებლის მიერ შესაბამისი ავტოსატრანსპორტო საშუალების რეცხვის პროცესს.
- 7.4. მიმწოდებელი ვალდებულია:
- ავტოსამრეცხაოში რეცხვის მომსახურების დამადასტურებელი საბუთის წარდგენისთანავე წარმომდგენ პირს დროულად, მაღალკვალიფიციურად და ჯეროვნად გაუწიოს ხელშეკრულებით ნაკისრი ვალდებულება.
 - რეცხვისას უნდა გამოიყენოს მაღალი ხარისხის სარეცხი/საწმენდი საშუალებები.
 - დაიცვას ხელშეკრულებით გათვალისწინებული ყველა პირობა.
 - საკუთარი ხარჯებით უზრუნველყოს ამ ხელშეკრულებით გათვალისწინებული ინსპექტირების შედეგად გამოვლენილი ყველა ნაკლის აღმოფხვრა.
- 7.5. მიმწოდებელს უფლება აქვს:
- მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

მუხლი 8. ხელშეკრულებით ნაკისრი ვალდებულებების შესრულების ინსპექტირება

- 8.1. სახელმწიფო შესყიდვის შესახებ ხელშეკრულების შესრულების კონტროლის, გაწეული მომსახურების ხარისხისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელების და მიღება-ჩაბარების აქტების გაფორმების და სახელმწიფო შესყიდვის შესახებ ხელშეკრულების პირობების რეგულირების საკითხებში მიმწოდებელთან განახორციელებს სსიპ - შეფასებისა და გამოცდების ეროვნული ცენტრის უფლებამოსილი პირი.
- 8.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 8.3. იმ შემთხვევაში, თუ მიმწოდებელსა და შემსყიდველი ორგანიზაციის ინსპექტირების კოორდინატორს შორის წარმოიშობა უთანხმოება, იგი უნდა გადაწყდეს შემსყიდველი ორგანიზაციის ხელმძღვანელობისა და მიმწოდებელს შორის განხილვის მეშვეობით, ხოლო ამ გზით საკითხის მოუგვარებლობის შემთხვევაში - სასამართლო წესით.

მუხლი 9. მხარეთა პასუხისმგებლობა ხელშეკრულების პირობების შეუსრულებლობისათვის

- 9.1. ხელშეკრულებით ნაკისრი ვალდებულების შესრულების ვადის გადაცდენის შემთხვევაში ყოველ დაგვიანებულ დღეზე მიმწოდებელს ეკისრება პირგასამტეხლო ხელშეკრულების ღირებულების 0.02 %-ის ოდენობით, რომლის გადახდა მოხდება მეორე მხარის მიერ წერილობითი მოთხოვნის შემდეგ.
- 9.2. იმ შემთხვევაში პირგასამტეხლოს ჯამური თანხა გადააჭარბებს ხელშეკრულების ღირებულების 0.2%-ს ან არ ასრულებს 7.4. პუნქტით განსაზღვრულ ვალდებულებებს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შეწყვეტის მომენტისთვის გადასახდელი პირგასამტეხლოს ანაზღაურება, დამატებით ხელშეკრულების ღირებულების 10% პირგასამტეხლო და არ აუნაზღაუროს მიმწოდებელს შეუსრულებელი დაკვეთის ღირებულება.
- 9.3. მიმწოდებელი ვალდებულია დაფაროს პირგასამტეხლო არაუგვიანეს შემსყიდველის წერილობითი მოთხოვნიდან 10 (ათი) დღის ვადაში.
- 9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მომსახურების ან მისი ნაწილის მოწოდება;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის გაკოტრების შემთხვევაში;

ე) საქართველოს კანონმდებლობით გათვალისწინებულ სხვა შემთხვევებში.

10.5. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.6. მხარე ვალდებულია 10.4. და 10.5 პუნქტებით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით შეატყობინოს მეორე მხარეს.

10.7. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10.8. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

მუხლი 11. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარეებს შეექმნებათ რაიმე ხელშემშლელი გარემოებები, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

მუხლი 12. ფორს-მაჟორი

12.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი;

12.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ ცალმხრივად შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

მუხლი 13 დავები და მათი გადაწყვეტის წესი

13.1. მხარეთა შორის წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13.2. პირველი ინსტანციის სასამართლოს მიერ მიღებული გადაწყვეტილება უნდა მიექცეს დაუყოვნებლივ აღსასრულებლად.

მუხლი 14. ხელშეკრულების მოქმედების ვადა

14.1. ხელშეკრულება ძალაში შედის მხარეების მიერ მისი ხელმოწერის დღიდან და მოქმედებს 2021 წლის 31 იანვრამდე.

15. სხვა პირობები

15.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. ხელშეკრულება შედგენილია ქართულ ენაზე, ელექტრონული ფორმატით, რომლის ამონაბეჭდი არის ელექტრონული დოკუმენტის ასლი და მას ელექტრონული დოკუმენტის თანაბარი იურიდიული ძალა აქვს. ელექტრონული დოკუმენტი ინახება ხელმომწერ მხარეებთან.

მუხლი 16. მხარეთა იურიდიული მისამართები და რეკვიზიტები

შემსყიდველი:

სსიპ – შეფასებისა და გამოცდების ეროვნული ცენტრი

ს/კ: 202198727

ქ. თბილისი, მინდელის ქ. N9

სახელმწიფო ხაზინა

ანგარიშის #200122900

მიმწოდებელი:

შპს „მწვანე რეცხვა 3“

ს/კ: 400234117

ქ. თბილისი, ვეკუას ქ. N8

სს თბილისი ბანკი

ბ/კ: TBCBGE 22


ა/ა: GE12TB7369436020100003

დირექტორი:

სოფიო გორგოძე

დირექტორი:

გიორგი ფანჯიკიძე



ფასების ცხრილი

ორგანიზაციის დასახელება: შპს „მწვანე რეცხვა 3“

№	მომსახურების დასახელება	მომსახურების სახეობა	რაოდენობა	ერთეულის ფასი	საერთო ფასი
1	2	3	4	5	6
1	ავტომანქანის (ძარის, სალონის და საბარგულის) რეცხვა	მსუბუქი ავტომანქანა	420	6,80	2.856,00
2	ავტომანქანის (ძარის, სალონის და საბარგულის) რეცხვა	მიკროავტობუსი	30	10,00	300,00
3	ავტომანქანის (ძარის, სალონის და საბარგულის) რეცხვა	ჯიპი	180	10,00	1.800,00
	ჯამი (ლარი)				4.956,00

შემსყიდველი:

სსიპ – შეფასებისა და გამოცდების ეროვნული ცენტრი
 ს/კ: 202198727
 ქ. თბილისი, მინდელის ქ. N9

მიმწოდებელი:


შპს „მწვანე რეცხვა 3“
 ს/კ: 400234117
 ქ. თბილისი, ვეკუას ქ. N8

დირექტორი:

სოფიო გორგოძე

დირექტორი:

გიორგი ფანჯიკიძე



მისამართები - შპს მწვანე რეცხვა 3

#	ქალაქი	მისამართი	ბოქსი	სამუშაო საათები
1	თბილისი	სოლოლაკი, ამაღლების 39 (მარკეტი "სპარის" გვერდით)	2	09:00-19:00
2	თბილისი	ორთაჭალა, ქუჩა II ხეივანი, N3 (ნაკვ. 4/11) (რესტორანი "ორთაჭალის" უკანა მხარე)	2	09:00-19:00
3	თბილისი	გლდანი, ილია ვეკუას #2 (ახმეტელის თეატრის გვერდით)	2	09:00-19:00
4	ბათუმი	ღერმონტოვის ქუჩა #42ა	3	09:00-19:00
5	ქუთაისი	9 აპრილის ქუჩა #2ა	2	09:00-19:00

დირექტორი - გიორგი ფანჯიკიძე